

على فين يا شعبان ! | #خطبة_الجمعة | د. حازم شومان

حازم شومان

ان الحمد لله نحمده ونستعين به ونستغفبه ونستغفرك. نحمده ونستعين به ونستغفبه ونستغفرك. ونعوذ انفسنا ومن سيئات اعمالنا. اللهم انا نعوذ بك من شرور انفسنا. ومن يأتي اعمالنا انه من يهده الله فلا مضل له. ومن يضل فلا تجد له هاديا. انه من - 00:00:00

فلا مضل له. انه من يهده الله فلا مضل له. ومن يضل فلا قيل له هذه المرشدة يا ايها الذين امنوا اتقوا الله حق تقاته. ولا تموتن الا وانتم يا ايها الناس اتقوا ربكم الذي خلقكم من نفس واحدة وخلق منها زوجها وبث منهما رجال - 00:00:50

كثيرا ونساء واتقوا الله الذي تساءلون به والارحام. ان الله كان عليكم رقيبا. يا ايها الذين امنوا اتقوا الله وقولوا قولا سديدا. يصلح اعمالكم. يا ايها الذين امنوا اتقوا الله وقولوا قولا سديدا. يصلح لكم اعمالكم - 00:01:20

ويغفر لكم ذنوبكم. ومن يطع الله ورسوله فقد فاز فوزا عظيما. اللهم صل على الحبيب محمد وعلى ازواجه امهات المؤمنين. وعلى ذريته وال بيته انك حميد مجيد. اللهم اغفر لنا ذنوبنا. اللهم - 00:01:50

واغفر لنا ذنوبنا. اللهم كفر عنا سيئاتنا. اللهم تب علينا توبة ترضى بها عنا. تب علينا توبة ترضيك توبة لا ترد على اعقاب ما بعدها ابدًا. اللهم امين. اخواني اخواني واحبابي في الله. تخيل كده واحد مديون في نص مليون جنيه - 00:02:10

والدائن رفع عليه قضية والقضية هيتحكم فيها بكرة هياخذ له فيها خمستاشر عشرين سنة سجن. الراجل قلب الدنيا يدور على حد ما فيش حد راضي يسلفه. لف الدنيا كلها ورجع بيته الساعة اتنين بالليل وهو ضهره مكسور وقلبه مكسور - 00:02:30

ان هو بكرة هيتحكم عليه وما فيش اي سبيل بشري قدامه. ان الدين ده حد يشيله من عليه. داخل بيته وهو مكسور. لا ابنه بيحروا عليه وهم ببيكوا وهم ببييع لهم للعراق. قال لهم ما تخافوش اوعوا تقلقوا. انا لا يمكن هنسجن. انا ربنا لا يمكن هيسيبني - 00:02:50

ربنا مش هيسيب ابوكم لان ربنا يعلم ان ابوكم مظلوم. بيته بصت له باستغراب كده قالت له هو انا مش بيعيط عشان القضية بتاعتك؟ امال انت بتعيطي ليه انا بعرف اصل انا عندي امتحانات بعد ايام ومش مذاكرة كويس. الله! اومال يا ابني انت بتعيط ليه؟ اصل انا برضو عندي مشكلة كده مع واحد صاحبي - 00:03:10

تعبانة بسبب المشكلة دي امال انت يا مراتي بتعيطي ليه؟ انا بيعيط عشان عيالي بيعيطوا فانا زعلانة عشان عيالي زعلانيين. لو انت مكان الراجل ده بتعمل فيهم ايه تعمل في اسرتك. الراجل ده ممكن يتسجن ثاني يوم. الراجل ده في كرب ابراهيم والبيت بيعيط وما لوش دعوة بالمشكلة بتاعته. هو ده حالة - 00:03:30

اسم مين مع الاسلام الوقتي يا جماعة؟ هو ده حال كثير من المسلمين مع هجوم الدين دلوقتي ان المسلمين بيعيطوا ان المسلمين حزاني بس عشان ايه انا عندي مشكلة مادية وانا عندي مشكلة في الشغل. ولا عندي مشكلة في الامتحانات. ولا عندي مشكلة ان انا جوازي اتأخر سنة سنتين. وانا عندي مشكلة - 00:03:50

في حين ان سوريا بتولع ان غزة محاصرة ان الظلم الذي اراد الاسلام ان المعاصي في كل مكان ان كل ام الاسلام دي واحنا زعلانيين ليه؟ المغنيين والممسلين عملوا في الثلاثين سنة اللي فاتوا اللي سبع حروب صليبية - 00:04:10

في امة محمد عليه الصلاة والسلام. انت عملت ايه؟ انت عملت اذا كان اهل الباطل عندهم همة في حرب دين الله. انت عملت ايه لدين الله هو احنا انت عايز ايه؟ قبل ما نتكلم في خطبة النهاردة وبازن الله انت عايز - 00:04:30

انت عايز دنيا ولا عايز اخرة واحد دخل مطعم كبير محل كباجي كبير بيقول لهم انا عايز طبق سلطة الناس بصوا له باستغراب يا عم نخلص منه وخلص واحد ثاني دخل انا عايز اتنين كيلو كفتة وكباب اتفضل يا باشا احسن قعدة واحسن مكان ورايحين - 00:04:50

السلطات كلها ورايحين هي ديت اهي الصدقة دي عاملة زي الدنيا والكباب ده عامل زي الجنة زي الاخرة اللي عايز السلطة ما حدش طابقهم عمر المكان ده مش مفتوح عشان كده الارض دي مش جاييها عشان كده واللي عايز الكباب اللي عايز الاخرة السلطة وكل حاجة تيجي له اللي عايز الدنيا - [00:05:10](#)

مش هناخد منها الا ما قسم له. واللي عايز الاخرة الله يدي له الدنيا وهيدي له الاخرة. الله يدي له كل شيء. من اصبح وجمع الله عليه شمله وجعل غناه في قلبه واثته الدنيا. واثته الدنيا وهي وهي - [00:05:30](#)

فاطمة اخوتي في الله نحن في شهر شعبان. نحن في الشهر من الشهور العظيمة اذا كان رمضان هو اعظم شهر في السنة. فشعبان هو اخطر السنة شعبان ده شهر يعني عامل زي رمانة ميزان شهر بيخبطك قبل ما تدخل رمضان عارفين الشاب اللي عايش حياته في - [00:05:50](#)

سبعة يصحى الساعة اتنين الظهر ينزل الجامعة يقعد في الساحة بتاعة الجامعة مراته عايش حياته بالطول وبالعرض على راحته فيقوم بعد ما يتخرج يقولوا له لا جيش جيش ايه؟ انت بتبقى تصحى خمسة ونص الصبح طابور عسكري مش اي اكل تاكله ومش اي وقت تاكل ومش اي وقت تنام - [00:06:10](#)

مش اي وقت تصحى ازاى؟ ده انا كنت عايش على راحتي لو ودوه كده ده هيموته ده هيموتوه ما يقدرش يعيش الحياة دي عملوا له حاجة الاول اسمها معسكر تدريب يعني ايه معسكر تدريب؟ يعني الاول يودوه خمسة واربعين يوم يتعلم حياة - [00:06:30](#)

جيش ثاني يتدرب عشان لما يروح الجيش يبقى تأهل. اهو الجيش بتاع رمضان اللي عايزين ربنا يفتح علينا فيه بانتصارات كبيرة الله سبحانه وتعالى على انفسنا وعلى اهواننا وعلى شهواتنا شعبان ومعسكر التدريب بتاعه. عشان كده شعبان في شهر تحدي. عشان كده - [00:06:50](#)

الرسول عليه الصلاة والسلام قال على شعبان ايه؟ ذلك شهر يغفل عنه الناس. الناس مش مدركة في خطورة شعبان. شعبان ممكن يغير قد ايه جواك بنيتك انه يخليك طالب اخرة تدخل رمضان وانت طالب اخرة معظم لكل صلاة في رمضان معظم لكل دقيقة في رمضان - [00:07:10](#)

النبي عليه الصلاة والسلام كان يصوم شعبان كله شعبان كله تحدي يا اخوانا ده دي حياة تحدي شعبان ده شهر كله تحدي تحديات شعبان. شعبان شهر كله تحديات. اول تحدي من تحديات شعبان. تحدي التغيير. ان شعبات يقول لك لازم - [00:07:30](#)

هتتغير هتدخل رمضان كده ازاى؟ اتغير ليه؟ هو انت عاجبك حالك كده؟ لو فضلت عشر سنين زي ما انت كده هتوصل لفين؟ لو فضلت مكمل كده هتبص ما فيش حد مننا ما عندوش مشكلة في علاقته بربنا نفسه ان هو يغيرها. هتفضل كده مش هتفوز برمضان الا لو اتغيرت. مش هتدخل - [00:07:50](#)

لو اتغيرت مش هتنجو من النار الا لو اتغيرت فلازم تتغير. لازم تعرف ان شعبان ده وقف التغيير عشان تدخل رمضان لحد عايش كده لحد امتي؟ في شباب كل امنيته ان شركة ابل تنزل له ايفون سبعة عشان يلعب عليه جينس - [00:08:10](#)

بتفضل كده اقصى طموحك في الحياة انك تتجوز وتشتغل وتموت وزى ما رحت زي ما جيت هيفضل كل طموحك بعد الموت ان حد يعمل لك ويحطه في جامع امتي يا جماعة؟ امتي هنتغير تغيير حقيقي؟ شعبان بيقول لك بطل زبزة كما قال تعالى - [00:08:30](#)

الذبذة تفضل تروح وتيجي كده قطر زبزة رضيعة بن كعب الأسلمي مبن أهل الصفة النبي عليه الصلاة والسلام بيقوله صلي يا ربيع ما فيش في رجليه شيبسي بلبسه. ما عندوش بيت بينام في المسجد. ما عندوش مصدر دخل. ما هوش متجوز. اطلب. قال اسألك المرافقة - [00:08:50](#)

في الجنة في الجنة في الفردوس الاعلى. النبي عليه الصلاة والسلام قال وهو خير ذلك قال لا اسألك غيرها. ربيعة بن كعب الفاضل اللي هو فيه والمشاكل اللي هو فيها ايه اللي مصبره عليها ومع ذلك منطلق في دين الله عشان عنده هدف عشان مش مزبذب عشان خاطر - [00:09:10](#)

وصل للهدف بتاعه بطل زبزة. لازم اول حاجة تتغير فيك. في شعبان الزبزة. انك تفصل في طريق ربنا. انك تفصل شعبان بيقول لك

بطل شتات لحد امتي هنفصل مشتتين يا جماعة؟ عايزين نركز. النبي عليه الصلاة والسلام هو - [00:09:30](#)

ندخل الجنة يلاقي واحدة ست بتسابقه واحدة ست المفروض ان الثاني على البشرية بعد النبي عليه الصلاة والسلام انبياء صديقين شهداء فيقول له من انت؟ فتقول له انا امرأة قعدت على عيالي. انا واحدة ركزت عمري كله في تربية اولادي - [00:09:50](#)

ما فيش بطل صفاء. انت ناوي تتاجر مع ربنا بايه في شعبان؟ ناوي تتاجر مع ربنا بايه؟ في هذا الموسم العظيم ركز ركز زي الطفلين اللي قتلوا ابو جهل. فرعون الامة في غزوة بدر. ازاى؟ طفلين يقتلوا فرعون لكن هم داخلين المعركة مركزين - [00:10:10](#)
اين ابو جهل؟ ابو جهل فين؟ احنا داخلين منشدين عليه. منشن على ايه؟ منشن على ايه في الفترة دي؟ بطل كسل. شعبان بيقول لك بطل لازم الانسان يتغير في النقطة دي. لازم يبقى عندنا نشاط في طاعة الله. سبحانه وتعالى. بطل كسل. لما يوشع الديون -

[00:10:30](#)

جيش بني اسرائيل وصل فلسطين عشان يفتحها. وصل قبل غروب شمس يوم الجمعة بدقائق قليلة. لو الشمس غابت دول هيقولوا له خلاص احنا دخلنا في ليلة السبت والسبت احنا ما بنشتغلش فيه. والثانيين هيكونوا سمعوا الجيش اليهود. هل يخرجوا لهم

فلسطين - [00:10:50](#)

الحل ايه؟ فنظر الى الشمس وقال انت مأمورة وانا مأمور. اللهم اوقفها علينا. الحل امسكها فالطفها الله حتى فتحت فلسطين على يد احنا عايزين نقول في شعبان اللهم الطف علينا على فين يا شعبان - [00:11:10](#)

على فين؟ شهر تغيير. ده انت معسكر التدريب اللي هتدخل رمضان بعد ما نتأهل فيك وتندرب فيه. كل ساعة في شعبان مهمة. كل يوم في شعبان مهم كل دقيقة في شعبان مهمة لان هو ده التغيير الحقيقي لرمضان بطة فردية بطل - [00:11:30](#)
ما حدش هيقدر يوصل لربنا لوحده يا جماعة. ربنا سبحانه وتعالى بيقول وسيط الذين اتقوا ربهم الى الجنة زمرا. طب ليه مش فرادي اللي مشي لوحده ما وصلش الجنة اصلا. لو مشيت لوحذك مش هتوصل. لو مشيت لوحذك مش هترضى. انت داخل في مواسم

الافكار. بطولات - [00:11:50](#)

رفيق شعبان ورمضان في السنة زي بطولة كاس العالم كده بالنسبة للبطولات الرياضية. ده دي اكبر حاجة بقى. ده انت مش داخل شعبان ورمضان تنفس مع نفسك ولا مع الناس اللي في الجامع معك؟ ده الكرة الارضية كلها تتنافس. صالحي الكرة الارضية وعلماء

الكرة الارضية - [00:12:10](#)

ودعاة الكرة الارضية وعباد الكرة الارضية مستنيين المواسم دي عشان يجيبوا اثرهم فيها عشان يتطرقوا الى الله الطلاق العظيم فيها يبقى مش هينفع توصل لوحذك. وسط الحيطان دي لازم تشوف سر تمشي معه. لازم تشوف صلاة صحبة. تمشي معها. لازم -

[00:12:30](#)

اعرف ان لوحذك من غير صحبة صالحة مش هتقدر انك انت تؤدي اداء بطولي في هذه المواسم اول تحدي من تحديات شعبان تحدي انك لازم تتغير قبل ما يجي رمضان. التحدي الثاني. من تحديات شعبان. تحدي الاستعداد لرمضان. يعني ايه؟ يا اخوانا -

[00:12:50](#)

القنطرة بتاعته هي شعبان. بوابة رمضان هو شعبان. شعبان هو الطريق الى رمضان. زي ما النبي عليه الصلاة والسلام ذاك شهر لبين رجب ورمضان. ده ده زي جسر كده ده الكوبري بتاع رمضان. عايز رمضان جديد؟ لازم يبقى - [00:13:10](#)

على قد ما انت عايز رمضان لازم تأدب شعبان. شعبان هو المعروفة. يعني ايه هو البروفة؟ اكثر سبب لضياع رمضان هو ايه الصيام يا راجل ده رمضان شهر الصيام. ما هو عشان كده لانك مطلوب انك تقرا قرآن وتختتم وتعتكف - [00:13:30](#)

وانت صايم واخدين بالكم يا اخوانا يعني مش مطلوب في رمضان انطلاقات تعبدية وانت قاعد تاكل بقى ومشحول ده وانت صايم يعني ايه؟ يعني لازم جسمك ياخذ على الصيام اللي قلته في شعبان. لازم انت ما انتاش عارف انت بتعمل في نفسك ايه في رمضان

لو دخلت رمضان كنت ما - [00:13:50](#)

على الصيام انت ما انتاش متخيل ما انتش متخيل انك كده بتضيع مع رمضان باين تعبان مش قادر لا من الوقت بقى اعمل رمضان

صايم وماسك المصحف كمان طول اليوم بازن الله سبحانه وتعالى. ليه؟ هل ربنا يفتح عليك كده؟ خلي ربنا يفتح لك ابواب رحمته -

00:14:10

اشتغل صح اشتغل صح يبقى تحدي الاستعداد لرمضان واحد بيتفرج على التليفزيون لقي واحد بتاع كمال اجسام رفع ربعمية كيلو حديد نزل اول جيم جنبه ومركز رياضي قال له هات لي الربعمية كيلو حديد. ليه؟ هشيلهم جه يشيلهم نام تحتهم. يا ابني مش كده

00:14:30 -

ربعمية كيلو حديد ده خدهم عشرين كيلو وبعد كده خمسين وبعد كده مية وبعد كده مية وخمسين. الموضوع مش آا ان اول ما هيجي رمضان هتتحول هو الخشوع مش زرار بتتفك عليه. انت لازم تستعد استعداد حقيقي لرمضان في شعبان. عشان تقدر في

رمضان تتنافس مع - 00:14:50

الكرة الارضية في الانطلاق الى الله سبحانه وتعالى. يبقى شعبان ده الجيم اللي انت بتتدرب فيه عشان تقدر في رمضان ارفع افكار تعبدي على قد ما تقدر لكن في رمضان هتلاقي انه بيثيل خمسمية كيلو حديد واللي بيثيل ستميت كيلو حديد واللي بيثيل الف

كيلو حديد - 00:15:10

هي الناس دي بتصلي كده ليه؟ هي الناس دي بتختم القرآن كده ليه؟ هي الناس دي بتعبد ربنا كده ليه؟ يا ابني ما كانت قدامك الفرق بسيط هي كانت ايام في شعبان فاستعد وهتفاجى انك بقى رمضان حديد بالنسبة لك. تحدي الاستعداد لرمضان - 00:15:30

يقول لك الغريب وهو بيغرق بيضرب بايديه عشان كده دايم يقول لك ايه؟ اتنين غرقوا. ثلاثة غرقوا. طب هو ليه اتنين غرقوا؟ ثلاثة غرقوا بيقول لك هو اصلا بيبقى واحد اللي بيغرق. فيجي صاحبه ينقذه مش فاهم. يقوم مامته مغرقة معه ليه؟ ضربة ايد اللي بيغلى

بتبقى اقوى من - 00:15:50

اقوى ضربة يقدر يضرب فيها وهو عايش ستة وثلاثين ضعف. فبيبقى قوي جدا لضربة موت. الشيطان الوقتي بيغرق هيصفق في رمضان ضربة موت الشيطان اللي هو انت عايز يوقعك في حاجة لازم تاخذ بالك. لازم تاخذ بالك ان شعبان ده شعبان ده هو الجسر

بتاع رمضان والشيطان مش عايزك تدخل - 00:16:10

رمضان من غير معصية تغرس فيها. او من غير مشكلة تشتتك عن التركيز في عبادة الله. في رمضان لازم تاخذ بالك. النبي عليه الصلاة والسلام في موسم الحج ام سليم جوزها ابو طلحة راح يحج وسابها. فراح للنبي عليه الصلاة والسلام بتقول له زوجي ذهب

ليحج وتركني. طبعا - 00:16:30

ايام زمان ما فيش طيران آا ينزلك على جدة على طول. طيران في ساعتين تلاقي نفسك في جدة. فالناس الاغنياء بيسافروا يوم آا حمزة ذو الحجة لا زمان الكلام ده كان يبقى مثلا ايه احنا دلوقتي في ذو القعدة عشان الناس تلحق توصل فبتقول له كنوزي طلع يحج

وسابني فهي - 00:16:50

فقال لها النبي صلى الله عليه وسلم اما علمت ان عمرة في رمضان تعدل حجة البعير ياه رمضان لسه عليه عشر شهور يا رسول الله عليه الصلاة والسلام. وبنشوقها لرمضان. بيخلي قلبها يستعد لرمضان من قبله بعشر شهور. احنا دلوقتي بنتكلم قبل رمضان بقى -

00:17:10

يا جماعة بنتكلم قبل رمضان من ايام اخواننا ان احنا نستعد لرمضان. نستعد واهن لريح الجنة. اني لاجد ريح الجنة شعبان لريح

الجنة اني لاجد ريح الجنة دون شعبان. اهو في جامع لما النبي رفع السماء في غزوة احد - 00:17:30

وقال من يأخذ هذا السيف بحقه؟ ابو دشامة قال له انا يا رسول الله. من يأخذ رمضان بحقه؟ طب من حقوق رمضان ايه؟ انك تستعد له شعبان استعداد صح انت مستعد انت مستعد للحظة فتح ابواب الجنة التمانية. ابواب الجنة التمانية هتفتتح يا اخوانا. لو قلت لك

بنك اسيوط - 00:17:50

بكرة الساعة تمانية الصبح هيتفتح ابوابه وما فيش حرس واللي عايز ياخذ سبايك ذهب او دولارات يدخل ياخذ على راحتته. مش هتكون الساعة تمانية ان شاء الله الصبح هصحى واجري. ده انت هتطلع تجري من دلوقتي. ليه؟ من خاف ادش. اللي عنده ميعاد مع

وزير بكرة في القاهرة بيروح يبات هناك - 00:18:10

تنزل على من خاف ابلش. القطر لما بيحي ما فيش حاجة اسمها لما القطر يجي على المحطة صحووني وانا هصحي جري جري وهتاكسي جري جري وهسحب الارض. القطر ما بيستناش حد. قطار رمضان ما بيستناش حد. لازم تكون واقف على المحطة ساعة مرات في الايد - 00:18:30

عشان تلحق انك انت تركب في مستعد لستين فرصة للعتق من النار مستعد لستين دعوة مستجابة مستعد ولا ما انتاش رمضان عدوا علينا قبل كده. الف دعوة مستجابة عدت. الف فرصة للعتق من النار عدت. فرص كتير. ضيعناها ليه - 00:18:50

لازم الموضوع بتفكر بشكل مختلف. لانك لو ما فكرتش بشكل مختلف هيبقى رمضان السنة دي زي رمضانات اللي قبله. لازم تقربي تدخل رمضان بفكر انا هستعد السنة دي. انا شعبان فرصتي في الاستعداد لرمضان محبة وحقيقي. استعد ازاى؟ هصوم. ايه المانع انك انت تصوم - 00:19:10

اسند الصيام شوية اتحدى نفسك كده عشرة ايام خمستاشر يوم صيام وراء بعض ايه المشكلة؟ ايه القضية؟ سنة حبيبك محمد عليه الصلاة والسلام اذا كان النبي كان بيستعد لرمضان للصيام في شعبان. عليه الصلاة والسلام كما قال البعض. انت ما تستعدش ليه؟ ده الاستعداد سنة من سنن الله في الدين - 00:19:30

كله اصلا يبقى ربنا قبل اي صلاة فريضة عمل صلاة نافلة. سنة قبلية ليه؟ استعداد قبل رمضان عمل شعبان. ليه؟ استعداد لازم تستعد يا اخواني في الله. مين طلع المصحف؟ نقرأ كتاب الله. نتدبر في كلام الله سبحانه وتعالى. التحدي الثاني. تحدي - 00:19:50

التحدي الثابت في شعبان تحدي التوبة. تحدي التوبة تحدي التوبة النصوح مع الله. التوبة ليه؟ لان شعبان ده شهر افعل اعمال الى الله كما قال النبي صلى الله عليه وسلم ترفع فيه الاعمال الى رب العالمين. واحب ان يرفع عملي وانا صائم. ترفع - 00:20:10

ليه؟ ساعة الاجابة يوم الجمعة العلماء قالوا يا اما المنبر يا اما قبل المغرب ليلة القدر العلماء قالوا لي ليلة واحد وعشرين ثلاثة لخمس لسبعة لتسعة وعشرين رمضان. انما يوم رفع الاعمال في شعبان ما حدش عارف امتى. ثلاثين يوم الله اعلم انه لي ليلة من - 00:20:30

ترفع النبي عليه الصلاة والسلام هنا عرف ان في ثلاثين فرصة طالب سانونية عامة وبيتقال له الامتحان في رمضان ان شاء الله. طب يوم كام؟ لا ما حدش يعني ايه ممكن الامتحان فجأة يجي لك استدعاء يوم واحد رمضان اتنين ثلاثة عشرة عشرين تسعة وعشرين ثلاثين رمضان يعني ايه؟ اي يوم هيجي فيه الامتحان - 00:20:50

هيبقى حالة الطوارئ شكلها ايه؟ فالنبي عليه الصلاة والسلام دخل في شعبان في حالة طوارئ. طوارئ شعبان. شعبان ده النبي عليه الصلاة والسلام اعلن فيه حالة الطوارئ ثلاثين يوم صيام. كان يصوم شعبان كله كان يصوم شعبان الا قليلا - 00:21:10

الا قليلة يعني برة شعبان بيصوم اتنين وخمسين وخميس ويفطر خمس تيام في شعبان يصوم خمس تيام ويفطر يومين العكس بقى حاجة زي كده يعني كان يصوم شعبان كله روايتين صحيحتين عن النبي عليه الصلاة والسلام. يعني النبي كان بيعمل شعبان ده حاله - 00:21:30

طوارئ ثلاثين يوم صيام احنا حالة طوارئ يا جماعة ليه؟ عشان ولا فرصة ان الاعمال ترفع فيها وانا ابقى نايم مش صايم ولا ابقى مش مستيقظ وجاهز. حدس جليل ان اعمال السنة كلها بتترفع في الايام اللي احنا فيها دي. الله اعلم امتى؟ يمكن الليلة ممكن بكرة - 00:21:50

ممكن بعد اسبوع ممكن بعد اسبوعين. الله اعلم تلتمية خمسة وستين يوم السنة اللي فاتت. ربنا تنزل تلتمية خمسة وستين مرة في تلتمية خمسة وستين ليه قم كم ليلة؟ تلتمية خمسة وستين جلسة ضحى. قعدت كم جلسة ضحى؟ كل صلاة صليتها وكل صلاة ما صلتهاش. كل فجر صليت وكل فجر رح عليه - 00:22:10

كل نظرة في المصحف وكل نظرة حرام. كل كلمة غيبة ونميمة وكل كلمة دعوة الى الله كلمتها عن ربنا. كل مثقال ذرة من العمل الصالح او الفاجر كل ده هيرفع الى الله في هذه الايام. رمضان السنة اللي فاتت هيرفع الى الله في هذه الايام. يغفل عنه الناس - 00:22:30

تحدي التوبة. صحيفتك هترفع الى الله كده ازاي؟ صحيفة هترفع وهتتقفل وهتتسلمها وانت داخل تعرض على الله. تتحاسب عليها وقف عليها مصيرك يا جنة يا نار. تسببها تترفع من المشاكل اللي فيها ازاي؟ تسببها تترفع من الزنوب اللي فيها ازاي؟ طب اعمل ايه؟ سنة كاملة مش واخذ - [00:22:50](#)

من الزنوب اعمل ايه؟ يا عم روح اتوضاً وصل ركعتين توبة. كل شوية في شعبان اتوضاً وصلي ركعتين توبة. شعبان تحدي التوبة اوعى تسبب صحيفتك تترفع من الكساعات اللي فيها. والمخالفات اللي فيها والمشاكل اللي فيها. يا ترى ايه اكبر مشكلة عملتها في السنة اللي فاتت - [00:23:10](#)

ايه اكبر كبيرة عقيت امك او ابوك او شوحت لامك او ابوك او او قطعت رحمك او قطعت جارك او اتمنت معصية سر او اتكبرت على خلق الله او سبت صلاة الجماعة وهجرت المسجد وهجرت دروس الدين وايه اللي انت عملته - [00:23:30](#)
اقف مع نفسك بقى لان في زنوب محتاجة توبة خاصة. في زنوب محتاجة توبة خاصة منها هي. ارفع نفسك. اقف مع نفسك ايه اللي ناقص في دينك ممكن في واحد بيقول لي انا السنة اللي فاتت دي كلها ما قعدتش ولا جلسة ضحى. من رمضان لحد دلوقتي. يا نهار ابيض! ازاي يا اخوانا واحد يسكت على دينه للدرجة دي - [00:23:50](#)

ازاي؟ ازاي انسان يسبب ديله يقع منه للدرجة دي؟ اقف بقى. لو السنة اللي فاتت دي ما وصلتش رحمك الحق صل رحمك. كمل دينك تكميل الدين. كمل دينك. الشعب صعب الايمان. اللي انت ما ينفعش تطلع الا ربنا. درجتك فيها صفر. ما ينفعش - [00:24:10](#)
حتى لو في شعب تانية انت جايب الدرجات النهائية فيها. ما ينفعش شعبة تشوفها سقط ما ينفعش صلة الرحم. ناخذ فيه صلة. ما ينفعش بر الجيران ما ينفعش في شعب كده لازم تلحق نفسك فيها. وانت تتدارك نفسك فيها. لان دي صحيفة من ثلاثين اربعين صحيفة هترفع الى الله - [00:24:30](#)

الجون اللي هتدخل تقعد بهم على الله سبحانه وتعالى. الذنوب هتبان عن ربنا ليه؟ الدنيا هتبان عن ربنا ليه؟ قال رسول الله صلى الله عليه وسلم لو كان الدنيا تعدل عند الله جناح بعوضة ما سقى كافرا منها شربة ماء. جناح بعوضة يا رسول الله هي الدنيا ما تساويش جناح بعوضة ما تسويش - [00:24:50](#)

طب اشمعنى الرسول عليه الصلاة والسلام مثل الدنيا بالبعوضة؟ البعوضة دي حشرة خطيرة جدا. عند الناس كلها حشرة خطيرة جدا والدنيا خطيرة. البعوضة دي عشرة دورة حياتها قصيرة جدا بتعيش حاجة بسيطة وتموت والدنيا كزلك دورتها قصيرة جدا اقصر مما تتخيل هتلاقي الدنيا خلصت - [00:25:10](#)

البعوضة دي حشرة بتنقل الاوبئة والامراض بتنقل الملاهي بتنقل امراض قاتلة ملايين في البشرية ماتوا بسبب البعوضة والدنيا البعوضة دي حشرة بتعيش في المستنقعات العفنة والدنيا دي هي رمز العفن كله. البعوضة دي لو موجودة في - [00:25:30](#)
وانت نايم تقعد تظن ما تخلكش تعرف تنام. الدنيا هي سبب التوتر. سبب القلق. سبب الضغط العصبي. البعوضة دي لو موجودة المسجد حجمها ايه؟ لا شيء في حجم المسجد. والدنيا دي حجمها في الاخرة او حجمها في ملكوت الله. لا شيء. فلما النبي - [00:25:50](#)

عليه الصلاة والسلام يقول لك الدنيا عاملة زي جناح بعوضة اوعى تحب الدنيا بقى خلاص بتحب الاوبئة والامراض بتحب المستنقعات المعفنة ليه؟ بتحب دورة حياتها قصيرة ليه؟ بتحب حاجة بتجيب طبيب وتوتر وضغط ليه؟ بتحب حاجة بتحب فيها ايه؟ ايه اللي يتحب في الدنيا - [00:26:10](#)

الهموم والابتلاءات دار الهموم والابتلاءات الدنيا تخيل لو ملك بيموت ملك من الملوك جاله ملك الموت وهو بياخذ روحه قال له انا ممكن عشر ايام كمان بس تسبب ملكك كله. يقول له انا ممكن اسبب ملكي كله وادينى يوم واحد. ساعة ما ملك الموت هينزل عليك. هتعرف - [00:26:30](#)

الدنيا ده كله ما يصليش يوم واحد. ساعة ما ملك الموت هينزل عليك هتعرف ساعتها ان الدنيا دي ما كنتش تساوي. ليس لها قيمة وقال النبي صلى الله عليه وسلم ان العبد المؤمن اذا كان في انقطاع من الدنيا انقطاع زي ما الكهرباء فجأة تقطع المراوح تقف

الصوت يقف النور - 00:26:50

كل حاجة وقفت فجأة كل حاجة تقف كل شيء الافات اللي اسمائهم مكتوبة في صفحة الوفيات في الجرايد النهاردة ما كانش واحد منهم امبارح ولا اول امبارح ولا يوم السبت اللي فات كان يظن انه هيبقى خبر في صفحة وفيات النهاردة كلهم كان عندهم احلام -

00:27:10

وكان عندهم تخطيطات وكان عندهم امان. وكان عندهم افكار وفجأة انقطاع من الدنيا. وفجأة كل حاجة اتقطعت. احسبها صح. ما تحسبهاش ازاى تبص لشيك بمليون دولار وبص لشلل بيرن وبيردع قال لك الشلل ده اللي بيرن وبيرمع الموضوع مش كده الموضوع مش ايه اللي ريحته حلوة واياه اللي - 00:27:30

واياه اللي بيرد واياه اللي بيلمع؟ الموضوع ايه القيمة؟ ايه الحاجة اللي لها قيمة حقيقية؟ كما قال تعالى ينبأ الانسان يومئذ بما تقدم واخر. ايه اللي كان مقدم عندك؟ ايه اللي كان له الاولوية عندك؟ واياه الحاجة اللي ما كانش لها قيمة عندك؟ دنيا ولا اخرة يا جماعة -

00:27:50

تحدي التوبة الى الله من تحديات شعبان. تحدي تحدي باستمرار حتى النهاية. يعني ايه تحدي يا اخوانا السنة الهجرية بتبدأ بمحرم شهر الله المحرم ذو الحجة السنة الميلادية بتبدأ بيناير وتنتهي متسبب السبب - 00:28:10

تكليفية بتبدأ في رمضان وتنتهي بشعبان. يعني رمضان ده اول شهر في السنة التكليفية. اول شهر ربنا اداك فيه النفحات دي كلها ليه؟ عشان يبقى راس الحربة يبقى عامل زي الشلال الهادر. اللي يخليك تشق مجرى للنهر طول السنة. عشان بداية السنة تبقى بداية قوية. تخيل بقى انت - 00:28:30

السنة التكليفية في رمضان في قمة القوة وتيجي في شعبان تنام. انما الاعمال من خواتيم كما قال النبي صلى الله عليه وسلم ان من اعمال بالخواتيم. السنة مش في بدايتها. السنة نهايتها. صحيفة سنة هترفع الى الله. ساعة تطاير الصحف. ساعة تطاير - 00:28:50

يوم القيامة قبل العرض على الله وقبل الميزان. لما هتمسك صحيفتك اول عمل هتبص عليه ايه؟ اخر عمل فيها. ليه؟ انما الاعمال بالخواتيم صحيفة هترفع الى الله. ترفع الى الله. اول عمل المفروض عمل اخر عمل في شعبان هو اول - 00:29:10

هتبص عليها في هزه الصحيفة ليه؟ لان هو الخواتيم. وانما الاعمال بالخواتيم. يبقى ما ينفعش انك انت تستقبل السنة في استقبال قوم في رمضان وتوجهها ودع ماهر في شعبان. انت في المعركة انت دلوقتي في اخر خمسمية متر في حلبة السباق. انت دلوقتي في اخر خمسمية متر في سباق - 00:29:30

الماراثون بتاع الجري بتاع السماء يبقى انت المفروض انك انت دلوقتي تجيب اخرك ليه؟ كلمة السر استمر الاستمرار هو الاستمرار ربنا مش تعبانك انك انت تقوم الليل اسبوع وتقع طول السنة بقى. صل ربع ساعة قيام ليل بس استمر عليها طول السنة -

00:29:50

السر استمر وان الله لا يمل حتى تملوا. ربنا مش هيمل منك. طول ما انت بتقوم وتقع اول ما هتملي وتقوم خلاص انا زهقت ومش هحاول تاني خلاص انت كده ايه؟ تسقط من نظر الله والعياذ بالله. من تحديات شعبان. تحدي تكبير الدين يا جماعة. يعني ايه تحدي؟

تكبير الدين - 00:30:10

تخيل الاطفال دخلوا مدرسة ابتدائي وكل واحد منهم عموما يدي له جنيه اتنين جنيه اي حاجة يروح يجيب شيبسي حاجة ساقعة وفيه واحد تاني قال له كل ما بيدي له فلوس في عينها في الحصلة. وكبر الولد ودخل اعدادي. اصحابه بدأوا ياخدوا المصروف

بتاعهم يوصلوا بوصلة نت. ياه يجيبوا - 00:30:30

لبس جديد وهو يحط لكل مصروفه في الحصلة. كبر الولد ودخل سانوي. اصحابه بدأوا يصاحبوا بنات ويعزموهم وهو كل فلوسه بيحطهم كبر الولد ودخل جامعة واتخرج اصحابه عايزين يشتروا حاجات ويسافروا ساحل الشمال وهو كل فلوسه في الحصلة.

تخيل بقى - 00:30:50

ده هيفتح الحصلة. هيبقى انبهار الدنيا كلها بيد ايه؟ وتخيل لو واحد قرب من الحصلة بتاعة تحويشة عمره هيعمل فيه ايه؟ انتم

عارفين يعني ايه شعبان؟ عارفين يعني ايه رفع الاعمال الى الله؟ يعني رفع الحصاد الى الله - [00:31:10](#)

الحصاد اللي بقى لك سنة قاعد تعين فيها. صلاة ورا صلاة. جلسة ضحى ورا جلسة ضحى. صيام ورا الصيام. ذكر ورا ذكر القرآن ورا خلق القرآن. كلام في الدعوة الى الله ورا كلام في الدعوة الى الله. قاعد تعين في الحصاد. تعين في الحصاد. تعين في الحصاد.

الحصاد - [00:31:30](#)

على ربنا بقى. بعد سنة من الصبر غيرك خد الوقت اللي انت خدته في السنة دي. وراح رماه في الفسح. وراح رماه في له تحيا مصر غفلة وانت قاعد تعيش في الحصاد تعين في الحصاد. الحصاد هتترفع على ايامي. يبقى المفروض قلبك ده كله يبقى الوقت

بيرتجف ليه - [00:31:50](#)

يا ترى يا رب هتقبل الحسرة دي ولا لا؟ يا ترى يا رب لو قبلت عمل واحد من اللي هيرفع لك انا كده بقيت من اهل الجنة عمل واحد بس يبقى خوف وعدم القبول. يبقى في شعبان لازم تدعي الله بالقبول لان سنة كاملة هتترفع الى الله. تخيل - [00:32:10](#)

امبارح لو معصية رفعت الى الله واتعاقبت بسببها في رمضان لقيت الخشوع منك في رمضان. او طاعة رفعت الى الله واثبت في رمضان. ما هو رمضان اللي بعد شعبان. شعبان ترفع الاعمال. عقوبة المعاصي او ثواب الطاعات في الدنيا. اول ما ستجديه -

[00:32:30](#)

في رمضان اول ثمرة دنيوية للصحيحة انها ترفع الى الله هتبقى في رمضان خالص. تخيل بقى انت عايش في رمضان يحصل معك ايه؟ يفتح لك يبسر لك تكرم عند رمضان يكرم المرة او يهان. تكرم من الله وتترفع - [00:32:50](#)

على نفسك وتؤيد والمبرر لك ويفتح لك ابواب الطاعة يبقى صلح الحصاد اللي طالعة في شعبان التحديات كثيرة شعبنا لن تنتهي اخواني في الله ومنها تحدي ليلة النصف من شعبان اللي جاية بعد ايام ليلة النصف التي قال عنها النبي صلى الله - [00:33:10](#)

عليه وسلم ان الله اذا كان ليلة النصف من شعبان اطلع الله الى اهل الارض فيغفر لاهل الارض جميعا الا بمشرك او ليلة النصف من شعبان المانع من المغفرة السنوية بتاعتها مشافى. فاحنا ان شاء الله يا رب ما نبقاش مشركين يا رب باذن الله. ربنا يظهر قلوبنا من -

[00:33:30](#)

ويظهر قلوبنا من الشرك الاكبر والاصغر يا رب اللهم امين. المصيبة بقى في مشاهد. المصيبة في الخلافات اللي بينك وبين قرايبك اللي بينك وبين اخوانك. قضية خطيرة جدا عشان كده تحدي شعبان تحدي التصافي. تحدي انك لازم ما تجيش ليلة النصف من شعبان

والرسائل اللي تملى الواتس والفيس المعهودة - [00:33:50](#)

الكلام الايه؟ الكلام ده مش ده. انت من الوقت تبدأ تصفي خلافاك مع قريبك فلان. مع جارك فلان. مع صاحبك فلان الموضوع مش سهل. شعبان ده المفروض قلبك يتربع انك تعمل مشكلة مع حد. المفروض والله لو الناس فاهمة يعني ايه - [00:34:10](#)

نص من شعبان تسعين في المية من القضايا اللي في المحاكم تتصفي باللي الناس والبعض اصلا. تسعين في المية من المشاكل الزوجية في محاكم الاسرة. تسعين في المية من الخلافات المادية اللي في المحاكم والخلاف المفروض انك انت حتى لو مزلوم تخاف

تخاف انك انت - [00:34:30](#)

ادخل في حكم التشهد وتيجي على نفسك شوية عشان ترفع الاعمال وعشان تيجي ليلة النص من شعبان وانا يا رب ما فيش في قلبي ناحية حد حاجة ولا في بيني وبين حد من المسلمين شحنا ولا بيني وبين حد مشكلة ولا حاجة يا رب انا صافي انا تحدي كبير

- [00:34:50](#)

تحدي كبير وعمايز شغل دلوقتي انك بجد تصفي المشاكل اللي بينك وبين الناس تصفي المزالم اللي بينك وبين الناس اقول قولي هذا واستغفر الله الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وببيدك الخير كله. واليك

يرجع - [00:35:10](#)

كله اللهم صلي على عبدك ونبيك محمد صلى الله عليه وسلم في الاولين والآخرين وفي كل وقت وحين اما بعد لا نزال مع تحديات اتكلمنا عن تحدي التغيير. لازم تتغير لحد امتى هنفضل كده؟ لو فضلت كده هتوصل لفين؟ بطل ذبسة - [00:35:30](#)

او كسب بطل فردية اتكلما عن محدد الاستعداد لرمضان. شعبان ده معسكر التدريب بتاع الجيش. شعبان ده البروفة بتاعة رمضان. شعبان القنطرة بتاعة رمضان عايز رمضان جديد لازم يبقى شعبان جديد. شعبان ده ضربة الموت بتاعة ابليس. لازم تاخذ بالك وتستعد وتخييط - [00:35:50](#)

عن تحدي التوبة. تحدي التوبة لانها رفع اعمال سنة الى الله. اوعى اوعى صحيفتك صحيفة سنة تتقفل بالجزاءات اللي فيها والحل سهل لتجديد التوبة وركعات التوبة والتوبة الخاصة من كبائر الذنوب اللي ارتكبتها هذه السنة تحدي تكميل دينك - [00:36:10](#) الحصاد هتترفع لربنا. اوعى تاخذ في شعبة من شعب الايمان صفر. اوعى الحق كمل دينك عشان صحيفتك تطلع بدين الى الله كمل من الرجال كثير. كما قال النبي صلى الله عليه وسلم تحدي التمام كلمة السر استمر كلمة السر - [00:36:30](#) تمام ازاى نتيجة تكمّل وفاضل ما تبدأش رمضان بداية السنة التكليفية بداية قوية وتيجي في شعبان تنهي السنة نهاية هزيلة فقد قال النبي صلى الله عليه وسلم انما الاعمال بالخوانيم. يعني انت ممكن تفرح بما فعلت في شعبان يوم القيامة اكثر حاجة لي؟ لان دي كانت خوانيم في - [00:36:50](#)

عمرك وخوانيم صحفك وخوانيم الصحف السماوية التي رفعت الى الله سبحانه وتعالى منك تكلما عن تحدي الحب تحدي التصافي تحدي لان ليلة النصف من شعبان دي اطلاق على القلوب من اجل ان ما فيش شحنات في قلبك بينك وبين حد يبقى الحق بقى رتب ونزم - [00:37:10](#)

تحديات كتيرة قوي في شعبان منها تحدي الشكر تحدي الشكر هو الشكر مش ما حدش تعبان الشكر ده تحدي العمر كله ده التحدي بتاع وهو بيقول لربنا في سورة الاعراف ولا تجد اكثرهم شاكرين. انا هنسيهم انت عملت لهم ايه؟ انا هخلي كل - [00:37:30](#) البؤرة بتاعتهم وكل التركيز وبؤرة الشعور بتاعتهم على الحطة اللي ناقصاهم اللي اصلا هي من نعمك فما منعك الا ليعطيك هنسيهم اتبدلهم ايه؟ شاب واحد من الناس جاله سرطان في المرئ ربنا يحفظنا - [00:37:50](#)

يا رب المريض سد مش عارف يدبج ليه مش عارف يشرب بق مية رايح لاحد كبار الجراحين عشان يعمل له عملية مش مرض السرطان يروح عشان يعرف يملأ ريقه. عشان يعرف يشرب بق مية. انت منعت ريقك كم مرة؟ من اول ما بدأنا الخطبة دلوقتي - [00:38:10](#)

ده نعمة كبيرة قوي. فكرت انه نعمة عظيمة قوي من ربنا. في ناس محرومة منها مش عارف يبلع فيها. مش قادر. واحد كان بيقول لاخويا جاله مرض ايديه ورجليه عضلاته اتشلت. بعد شوية عضلات البوق والبلع اتشلت. بقى الريق بتاعه بينزل جزء في المعدة وجزء في - [00:38:30](#)

القصة الهوائية بيعمل له التهابات رئوية شديدة. الدكاترة بيقولوا لي ان اخويا كمان شوية وهيتشل عضلات الرئة بتاعته عضلات التنفس انت متخيل ان النفس اللي انت بتاخده ده مدرس مش عارف في كلية طب جاله ازمة في النفس ربنا يحفظه - [00:38:50](#) جميع مرضى المسلمين وقع مات وسط اصحابه كلهم مش عارفين يدخلوا له النفس. مش عارفين مدرس مساعد الاول في ابتدائي والاول في اعدادي ومن الاوائل في كلية طب واتعين في الجامعة وخذ الماجستير وهو رايح ياخذ الدكتوراه عشان ينطبق ويجري حصاد عمره بقى ماديا - [00:39:10](#)

بيجي له ازمة مش عارف ياخذ نفسه وسط الدكاترة كلهم واشقر دكاترة يقع يموت. النفس اللي انت بتاخده ده. حسيت بقيده؟ حسيت نعمة ربنا فيك حسيت بنعمة الله في النفس بتاع الهواء اللي بيدخل بكل سهولة واحد مريض في العناية المركزة في مستشفى - [00:39:30](#)

مصادرة المنصورة خبط على صدره بيقول خش النفس ما بيدخلش. احنا دلوقتي واحنا بنتنفس بهذه السهولة هل احسنا بنعم الله لو انت محوش في بيتك مش هقول لك في دفتر توفير ولا في بنك. معك في بيتك تلتمية ربعمية جنيه. بس تحويشة كده. انت من اغنى تمانية في المية على وجه الارض - [00:39:50](#) قضية اتنين وتسعين في المية من سكان الكرة الارضية لا يملك اصلا ان يبقى في بيته جنيه فوق قوته. انت لو انت عندك اي تحويش

انت بتاخذ تمنانية في المية - 00:40:10

فيه مليون واحد على وجه الارض للان في هذه اللحزة طبيا مستحيل يعني سكر من اسبوع انت ما نتاش واحد بيقول اربعين الف واحد على وجه الكرة الارضية بيموتوا بسبب الفقر وامراض الجوع. انت ما انتش واحد من دول حسينا بتعب ربنا. حسينا ربنا عمل لنا ايه؟ حسينا - 00:40:20

على الحدة اللي اصلا فيها نقص وربنا ابتلاك بها عشان يختبر حسن ضحك بيه. وعشان يختبر توجهك اليه وعشان بعد كده لما تعرف حكمة المنع ده تسجد لله سجدة شكر. ان الحمد لله رب العالمين مش موجودة في الوقت ده. حاسين انك تحدي - 00:40:40
تحدي ان صحيفتك ترفع الى الله صحيفة شاكر ذاكر. صحيفة واحد شاكر لنعمك يا رب كنت بكلم اخواننا اللي مسافرين مع بعض عمرة ان شاء الله بعد ايام في ليلة في النصف شعبان بقول لهم كل واحد مننا مسافر كل تفكيره ايه - 00:41:00
اللي باعظني وما خدتوش من ربنا رايح اطلبه. امال مين فينا اللي رايح يقول انا رايح اشكرك على اللي انت ادتهولي يا رب يا رب انت بتبني كثير اوي اوي اوي. مين اللي رايح قبل ما يفكر في اللي ما خدوش وسؤال اللي ما بخلوش - 00:41:20
فكر في شكر اللي خده. يفكر انا جاي لك يا رب شكر لك على النعم اللي انت غلبتني بها. على النعم اللي انت غمرتني بها من تحديات رمضان تحديات شعبان تحدي الدعوة الى الله. اوعى تدخل رمضان بايديك فاضية. رمضان كريم. رمضان جايب لك عطاءات - 00:41:40

ما تروحش رمضان بالليل فاضية. زي ما رمضان كريم خليك انت كريم. امن على رمضان بتاعك. لما تبدأ واللي بعده تبدأ بقى تشوف واحد صاحبك او واحد حبيبك تكلمه عن الصلاة تكلمه في الدين تكلمه في الدين تزقه يقوم بره ويقع مرة في شعبان يبجي رمضان يلقط - 00:42:00

رمضان وشه منور بالطاعة. يبقى انت امنت على رمضان بتاعك. لانك في واحد عبد ربنا في رمضان بسببك. اخواني في الله عايزين شعبان توهج عايزين شعبان ده يبقى شهر اعلان حالة الطوارئ التعبدية زي ما النبي عليه الصلاة والسلام اعلن حالة الطوارئ التعبدية في شعبان - 00:42:20

الا قليلا نركز في الصيام شوية يعني مش قادر تصومه كله طب صوم يا عم يوم ويوم طب صم يا عمي جرب كده ويصوم حتى يقال لا يفطر. جرب كده انك تتحدى كده. تحدي كده صيام اسبوع كده ورا بعضه. ما تجرب يا عم انت خسران ليه؟ والله انا خسران - 00:42:40

ولا هتدوخ ولا وحتى لو نمت ونويت تتسحر قبل الفجر بس هتلاقي نفسك الفجر ادن وانت متسحرتش جرب وشوف هتلاقي هو انت اصلا على ما بتبدأ تعطش او تجوع العصر؟ ده الطبيعي اللي عند معظم الناس. على ما تبدأ تخلص او تجارب في الارض. يعني ايه القصة - 00:43:00

هي القصة كلها صبر ساعتين وممكن يبقى اقل من كده كمان لو اتسحرت فعلا قبل الفجر وتقصي ولكن خلي عندك نية اصدق الله عشان الله يرزقك في القرآن ومن يعيش عن ذكر الرحمن اللي هو القرآن يقيد له شيطان اما ان تصاحب القرآن واما ان تصاحب الشيطان اول - 00:43:20

تبعد عن كتاب ربنا الشيطان بيستلمك. نقيد له شيطانك فهو له قرين. رايح معه وجاي معه قايم معه نايم معه. واحد رونالدو صاحب اربعة وعشرين ساعة هيبقى حالته شكلها ايه؟ هيبقى حالته اخبارها ايه؟ القرآن يا جماعة حاول تختتم خاتمة كده قبل رمضان حاول تقرأ - 00:43:40

مرة ربيع القلب ده على قلبك كده شوف القرآن هينبت في قلبك ايه وهينور قلبك قد ايه الكلام اللي انا بقوله ده يعني مش كلام ده ده السلف كانوا بيصلوا رمضان - 00:44:00

شعبان شهر القراء. المفروض علاقتك بالقرآن في شعبان تبقى علاقة قوية جدا. عشان تقدر تدخل رمضان وانت منطلق اخواني في الله اذكركم بقراءة سورة الكهف في اليوم في آآ يوم الجمعة واذكركم بساعة الاجابة قبل مغرب الجمعة بربع ساعة كده قبل المغرب

00:44:10 - اقفل على نفسك اي

انت تمسك كتيب دعاء ارفع ايديك وادعي قول يا رب بارك في نفسك في شعبان اللهم بارك لنا في اللهم بارك لنا في شعبان ورمضان اللهم في شعبان ورمضان. اللهم بارك لنا في شعبان. وبلغنا رمضان. اللهم اجعلنا في هذه المواسم العظيمة من الفائزين. اللهم -

00:44:30

رمضان. اللهم اجعلنا من الفائزين بليلة القدر. اللهم استعملنا ولا تستبدل بنا. اللهم استعملنا ولا تستبدل بنا اللهم استعملنا ولا تستبدل بنا. اللهم زدنا ولا تنقصنا. اللهم اكرمنا ولا تهنا. اللهم اعطنا ولا تحرمنا. اللهم اثرننا ولا - 00:44:50

علينا. اللهم اهدنا ويسر الهدى اليها. اللهم غير حالنا لاحسن حال. استخرج منا ما يرضيك عنا. اطبنا على مرادك منا قوي فيك ضعفنا قوي فيك ضعفنا. اللهم ارحمنا عزما صادقا. اللهم ارزقنا علما نافعا. اللهم ارزقنا ايمان - 00:45:10

المحققة اللهم تب علينا تب علينا توبة ترضيك. تب علينا توبة لا ترد على اعصابنا بعدها ابداء اللهم لا ترفع اليك صفحنا الا وقد غفرت لنا وتبت علينا. اللهم اغفر لنا ذنوبنا كلها. اللهم صحائفنا من الذنوب - 00:45:30

روح ومن الغفلة. اللهم بارك لنا في حسناتنا وتقبلها يا ربنا. اللهم تقبل منا. اللهم تقبل منا اللهم تقبل منا وتب علينا توبة ترضى بها عبدا. اللهم فرج كرب المكرويين. اللهم نفس كرب المكرويين. اللهم اكشف - 00:45:50

عن سوريا وعن فلسطين وغزة وعن كل المجاهدين في سبيله وعن كل المظلومين يا رب العالمين. ربي انا محبوب ربي ان بابك موجود فانتصر ربي انا مغلوبون فانتصر. اللهم اني اهل المعاصي وان الفجور قد اعدوا لرمضان - 00:46:10

المسلمين وعوراتهم في العدة. اللهم اجعل رمضان شهر فتح على عبادك الصالحين. اللهم اجعل شهر توبة وعودة من الامة اليك يا رب العالمين. اللهم اجعله فتحا لدينك ونصرا لاوليائك وهدى - 00:46:30

وتوبة واوبة من عبادك اليك. اللهم اجعله فتحا مبينا. اللهم افتح فيه القلوب للهدى. اللهم اشرح فيه الصدور للحق اللهم تب على الامة جمعاء فيه يا رب العالمين. اللهم يا ربنا تقبل منا انك انت السميع العليم. وتب علينا انك انت - 00:46:50

00:47:10 -